



13 Novema 2023

FA'ASILASILAGA FA'ALAUATELE

PUIPUIGA O LE KOVITI-19

E fa'aauau pea ona momoli le agaga fa'afetai a le Matagaluega o le Soifua Maloloina i le mamalu o le atunu'u i le lagolago i le auaunaga aua le puipuiga o Samoa mai fa'ama'i aemaise lava i le KOVITI-19 e pei ona sa feagai i tausaga e tolu ua mavae. E ui ona sa iai nisi na a'afia ma ma'imaui ai le soifua o tagata o si o tatou atunu'u, ae o la outou lagolago e ala i le maualuga o le faitau aofa'i o i latou na fa'atinoina tui puipui, ma mafai ai ona fa'asaoina ai le soifua ina ua a'afia si o tatou atunu'u i le tausaga ua tuana'i.

O lo'o fa'aauau pea ona mata'ituina e le Matagaluega fa'amaumauga mai isi atunu'u i suiga o galu o le fa'ama'i o le KOVITI-19 ma ua maitauina le to'atele fo'i o tagata femalagaa'i. Ua fa'amaonia ai nei le vaiaso talu ai i totonu o le malo o Niu Sila fesuiaiga o le vairasi o le KOVITI-19 i lona galu lona iva ma o lo'o pipisi i totonu o le latou atunu'u. E fautuaina ai e le Matagaluega o le Soifua Maloloina le mamalu o si o tatou atunu'u ina ia nofo uta aemaise le faatinoina o puipuiga masani e pei ona fa'ailoa atu muamua. O nisi nei o vaega o puipuiga mo le silafia;

1. **O lo'o faatinoina tui puipui o le KOVITI-19** mo i latou e lei faia lava se tui puipui muamua
2. **Faatinoina o tui faopoopo** (booster) o le KOVITI-19 mo i latou ua mae'a isi tui puipui muamua ina ia puipuia mai ai le fa'ama'i ma e ave le fa'amuumua mo i latou o lo'o ta'ua i lalo;
Tagata uma e maualuga le a'afiaga i le KOVITI-19 e aofia ai i latou nei;
 - Tui fa'apoopo mo tagata matutua ua 60 tausaga aga'i i luga le matutua
 - O i latou o lo'o iai nisi gasegase tumau e aofia ai le suka, toto maualuga, gasegase o le fatu, kanesa ma gasegase o le mamā
 - Tina/Tama'ita'i to (aemaise i latou ua atoa le 13 vaiaso aga'i luga)
 - O tagata uma e faigaluega le Soifua Maloloina
 - O isi tagata pe a mana'omia

O le tui fa'apoopo o le KOVITI-19 e mafai ona fa'atinoina pe afai ua atoa le 12 masina talu ona mae'a ou tui puipui muamua sa faia, po'o le fa'atinoina i totonu o le tausaga.

E fautuaina ina ia aumai lou pepa tui puipu o le KOVITI-19 mo le fa'amaoniga o le faatinoina o lou tui puipui fa'apoopo. O le a faatinoina lena auaunaga i le nofoaga ma taimi e pei ona taua;

Ofisa mo Tui Puipui – Moto'otua (fa'afesagai ma le faleoloa o Seb ma Rene i Moto'otua)
mai le itula 9:00 taeao – 4:00afiafi ; Aso Gafua – Aso Faraile
O le a fa'ailoa atu lava nisi nofoaga fa'apoopo mo le silafia



3. **E fautuaina fo'i le mulimulita'ia o isi puipuiga masani e aofia ai ma puipuiga o le fulū o lo'o pepesi fo'i i lenei vaitau**

Ia 1mita le va mamao ma isi tagata

Fai se tali fofoga aemaise lava i nofoaga tumutumu

Ia mautinoa le lelei o le fegasoloa'i o le ea i totonu maota ma laoa

Pupuni lou fofoga pe a tale pe mafatua

Fufulu mama lima i se fasimoli ma vai mamā

Nofo i le fale pe a fai o lo'o e gasegase; ma ia vili le telefoni 66695 mo nisi fa'amatalaga

4. **E tatau fo'i ona silafia e tele ina tutusa lava āuga o le KOVITI-19 ma le fulū ma e fautuaina fo'i vaega nei;**

- a. O āuga o le KOVITI-19 ma le fulū e aofia ai le fiva, tiga le ulu, tiga maso o le tino, tale ma mafatua so'o
- b. E pipisi mai le isi tagata pe afai e tale ma mafatua, aemaise fo'i le pa'i i laualuga o nofoaga sa iai le tagata ua a'afia
- c. E le manogi se taumafa
- d. O isi tagata e lē alia'e ni āuga, ae mafai ona pipisi ma a'afia ai le isi tagata

E fautuaina le mamalu o le atunu'u, o lo'o mafai ona faatino fo'i lou tui puipui o le fulū fa'atasi ai ma le tui puipui fa'aopoopo o le KOVITI-19.

E toe tatalo atu le Matagaluega i le lagolago a le mamalu o le atunu'u aua lava le puipuiga o si tatou atunu'u mai le KOVITI-19 a'o tatou aga'i atu le fa'aiuga o lenei tausaga.

Mo nisi fa'amatalaga, fa'amolemole fa'afeso'ota'i le Vaega o le Soifua Maloloina Lautele i le telefoni 66695 po'o le Facebook @heathsamoa.

Ma le fa'aaloalo lava,



Aiono Dr. Alec Ekeroma

Director General of Health



(685) 68100



enquiries@health.gov.ws

